

QUÆSTIO MEDICA,

QUODLIBETARIIS DISPUTATIONIBUS

*manè discutienda in Scholis Medicorum, die Iovis
sexta Februarii.*M. FRANCISCO GOUEL, Doctore
Medico, Præsidi.*An ingeniosi brevioris vitæ?*

I.

U T artis sic Naturæ opera motu continentur. Si quæ corporibus mutatio contingit, si quid oritur, si quid interit, maximam operis partem motus sibi vindicat. Hic in viventibus manifestius se prodit, ac sensu magis deprehenditur, nulla si quidem res alia magis quam motus viventia à vitæ expertibus discriminat. Illa in jugi versantur motu, hæc vero quæta jacent, & alta fruuntur pace: hinc quæ vitâ carent nullis fere mutationibus obnoxia diutissime permanent, contra quæ vitâ fruuntur varias mutationum vices subeunt, & statim ab ortu per varias ætates veluti per quosdam gradus ad interitum tendunt: at licet omnibus una sit expectanda nox, & calcanda semel lethi via, non eodem tamen cuncta feruntur passu, sed pro ut actuosis aut inertibus constant principiis, alia tardius alia celerius cursum conficiunt, ac longiorem aut breviorẽ vitam sortiuntur.

VITA definitur permansio caloris in humido. Ille æthereæ cujusdam naturæ particeps crasso densoque, ne citò avolaret, subiecto tanquam carcere quodam contineri debuit: hoc munus implet humidum, ut vocant, radicale, quod pinguis, & oleosæ cujusdam instar substantiæ tenuem illum calorem, & ad eruptionem continuò paratum suo sinu foveret, & veluti vinculis ac compedibus irretitum tenet: hic tamen quietis impatiens, & suæ semper retinens indolis nusquam otiosus manet, sed subiectum cui inest assiduo versat, alterando subigit ac tandem depascitur. Pro varia tamen quam habet cum humido mixtionis proportionem diversimodè agit: Sic altius humore demersus, ac velut obrutus lentiori progreditur motu, at rerum dominio potius citissimo rapitur cursu, & absumpto eo quo fovebatur pabulo absimitur ipse tenuesque evalescit in auras.

I I I.

UT à caloris nativi in humidum actione perpetua ætatum ac temperamentorum diversitas, sic ab utriusque variâ inter se proportionem varia oritur ingeniorum Indoles. Hinc homo homini plurimum præstat, & supra humanam sortem se se extollens tam fere à cæteris hominibus distat, quam isti à brutis animantibus differunt. Tanti discriminis causa non à cælo, non à syderum influxu, sed à diverso caloris motu repetenda. Caloris nomine spiritus per universum corpus diffusos intelligas. Hi primarium & præcipuum animæ in obeundis functionibus instrumentum perhibentur. Hanc ejusdem licet in omnibus hominibus essentiæ ac naturæ

varie ad agendum determinant. Ab eorum tenuitate & perspicuitate ingeniosi fiunt: à crassitie & densitate hebetes & stupidi. Illi maturitatem quidem citius consequuntur, & ante tempus adolefcunt, sed quem gremio gerunt calorem, is actuosus maxime tam assiduo micat, agitur & ad humoris absorptionem tam citò festinat, ut actione continua magis ac magis fatiscens tandem præmaturam sibi ruinam molitur.

I V.

NON bene conveniunt, nec in una sede morantur acumen ingenii, & longos in annos retinendæ vitalis flammæ apta temperies partiumque conformatio. Illud ex biliosi & melancholici succi mixtione prodit. Ab utroque spiritus generantur subtiliores, terfi, nitentes, & quales ad sublimia mentis opera requiruntur. Accedit nervorum tenuitas, cutis lævitas, & cerebri substantia mollior quam spiritus facile pervadunt, & in quæ res objectæ citius imprimuntur. Hinc facilis apprehensio & intelligentia, rerum abstrusarum cognituque difficultum perceptio, hinc felix memoria quæ opes undique collectas & accersitas servat ad usus, & velut horreo quodam recondit: uno verbo sicco gaudet temperamento vis illa animæ quæ facit hominem præstanti ingenio præditum, ad vitæ vero diuturnitatem magna competit humidi copia, quæ caloris aculeos retundens illius impetum cohibet, & actionem refrænât, & quemadmodum ignis tenui vel crassâ accensus materiâ citius tardiusve extinguitur, sic calor vitæ opifex pro majori vel minori humoris primigenii quantitate breviores aut longiores moras in corpore viventis necit.

FAUSTA ergo & infausta simul ingeniosi conditio, magnum quiddam est, & prope divinum ceteros homines ingenii fecunditate, cogitationis celeritate, sermonis elegantia longo post se intervallo relinquare, mentem habere in omne argumentorum genus paratissimam, ad aliis imperandum comparatam, ad laudem gloriam, & patriæ decus natam: at quanto pretio stet illa mentis acies, & virtus sublimior testis est infelix illa nutritionis ratio, qua raptis maxima ex parte ad cerebrum spiritibus cæteræ partes inopes suis agrefunguntur muneribus, & vix alimentis probe conficiendis sufficiunt: accedunt graviore curæ quibus discruciantur ingeniosi, negotiorum multitudo quibus implicantur, animi pathemata quibus vehementius torquentur, quibus omnibus commoti, & magnâ copiâ dissipati spiritus præproperam inducunt moriendi necessitatem.

Ergo ingeniosi brevioris vite.

Domini Doctores Disputaturi.

M. Franciscus Gœiel, Praef.

M. Antonius Varin.

M. Nicolaus Brunel de la Carliere,

M. Claudius Guerin.

M. Paulus Matter.

M. Carolus le Long.

M. Ludovicus Morin.

M. Petrus Lombard.

M. Philippus Maibon.

Proponebat Parisiis **CAROLUS CONTUGI**, Parisinus
Baccalaureus Medicus. A. R. S. H. 1687.

P A R I S I I S,

Apud Franciscum Muguet, Regis & Facultatis Medicinæ
Typographum.